



BARAZA LA WAWAKILISHI – ZANZIBAR

ORODHA YA SHUGHULI ZA LEO

BARAZA LA TISA LA WAWAKILISHI

MKUTANO WA TANO

Kikao cha Kumi – Tarehe 28 Februari, 2017.

Kikao Kitaanza Saa 3.00 (Tatu) Asubuhi
na Dua itasomwa.

I. HATI ZA KUWASILISHA MEZANI

Mwenyekiti wa Kamati ya Kuchunguza na Kudhibiti Hesabu za Serikali (PAC):

Hotuba ya kuwasilisha Ripoti ya Kamati ya Kuchunguza na Kudhibiti Hesabu za Serikali (PAC) ya mwaka 2016/2017.

II. MASWALI:

Ofisi ya Rais, Katiba, Sheria, Utumishi wa Umma na Utawala Bora:

3. MHESHIMIWA SULEIMAN SARAHAN SAID (Jimbo la Chake Chake) - Atamuuliza Mheshimiwa Waziri wa Nchi, Ofisi ya Rais, Katiba, Sheria, Utumishi wa Umma na Utawala Bora:

Kwa muda mrefu tumekuwa tukiiga mambo ya maendeleo kutoka nchi nyengine. Hata hivyo, hivi karibuni Rais wa Zanzibar, Dkt. Ali Mohamed Shein ameamua kuwapa hidaya wazee wenye umri wa kuanzia miaka sabini kiasi cha Tsh 20,000/= kila mmoja kwa kila

mwisho wa mwezi, jambo ambalo ni mfano wa kuigwa na nchi nyingi duniani.

- (a) Je, katika kubuni mipango mipya ya maendeleo ya nchi yetu, Serikali ina mpango gani wa kuwapa bonus wafanyakazi kila anaefikisha miaka 5 bila kujali kiwango cha elimu, cheo nk.
- (b) Je, Serikali haioni umuhimu wa kuharakisha suala hili ili kuwapa moyo wafanyakazi wake.

Wizara ya Ardhi, Maji, Nishati na Mazingira:

- 33. MHESHIMIWA HIDAYA ALI MAKAME (Nafasi za Wanawake) - Atamuuliza Mheshimiwa Waziri wa Ardhi, Maji, Nishati na Mazingira:

Katika Baraza la Nane la Wawakilishi, Serikali kupitia Wizara hii ilitoa ahadi kuwa wananchi hawatolipa bili za maji kwa mifereji ya nje lakini hivi sasa wananchi wanatakiwa walipie bili hizo.

- a) Je, Maagizo yepi ya Serikali ni sahihi.
- b) Kama ahadi hiyo imefutwa, kwanini wananchi hawapewi taarifa mapema.

Wizara ya Kilimo, Maliasili, Mifugo na Uvuvi:

- 79. MHESHIMIWA SULEIMAN SARAHAN SAID (Jimbo la Chake Chake) – Atamuuliza Mheshimiwa Waziri wa Kilimo, Maliasili, Mifugo na Uvuvi:

Serikali ya Mapinduzi ya Zanzibar inastahiki pongezi kwa kuwajali sana wananchi wake na hasa pale wanapofikwa na maafa au maharibiko ya msimu wa mavuno na mambo mengine. Katika bonde la Tibirinzi kuna mashamba yaliyokuwa yakilimwa mpunga na sasa mashamba hayo kutokana na mabadiliko ya tabia nchi yamekuwa kila kipindi yanaingia maji ya bahari na kuonekana yatachukua muda mrefu kulimika tena.

- a) Je, Serikali haioni umuhimu wa kuwapa fidia wakulima hao na mashamba hayo yakabakia Serikalini ili Serikali ikatafuta matumizi mengine.
- b) Na kama Serikali itakubali kuwafidia, lini wananchi hao watafidiwa ili wapate kujielekeza kwenye shughuli nyengine.
- c) Je, Serikali imefanya utafiti wa kina kwenye eneo hilo, kujua kama linaweza kutumika kwa matumizi gani ili kuondokana na hasara hizo za kila mwaka.

85. MHESHIMIWA SULEIMAN SARAHAN SAID (Jimbo la Chake Chake) – Atamuuliza Mheshimiwa Waziri wa Kilimo, Maliasili, Mifugo na Uvuvi:

Serikali ilifungua vitalu vingi vya miche ya miti mbali mbali kwa nia njema na kwa kuendeleza maendeleo ya wananchi wake. Katika eneo la Chake-Chake Mwanafujo, kipo kitalu cha asili cha miaka mingi, kilichokuwa chachu ya wakulima kupanda miti kwa misimu yote. Hata hivyo kitalu hicho kwa sasa hakina tena hadhi hiyo na maeneo hayo yameanza kuvamiwa kwa kujengwa nyumba za makaazi ya kudumu.

- a) Je, kitalu hicho kimefikwa na matatizo gani mpaka kupoteza haiba yake ya zamani.
- b) Je, eneo hilo la kitalu limepimwa na lina hati yake kuzuia uvamizi wa wananchi kufanya makaazi.
- c) Miche iliyokuwa ikizalishwa katika kitalu hicho ilikuwa aina nyingi sana kama mikarafuu, minazi, michungwa, milimau, midimu na mengine. Je sasa hivi inazalishwa miche ya aina gani.

Wizara ya Ujenzi, Mawasiliano na Usafirishaji:

51. MHESHIMIWA MUSSA FOU M MUSSA (Jimbo la Kiwani)- Atamuuliza Mheshimiwa Waziri wa Ujenzi, Mawasiliano na Usafirishaji:

Siku za karibuni meli ya Mv. Mapinduzi II ilienda kufanyiwa matengenezo madogo katika bandari ya Mombasa – Kenya ambapo katika muda huo lilijitokeza tatizo kubwa sana la abiria kutopata usafiri kwa sababu chombo kilichokuwepo ni kimoja tu, MV. Azam Sea Link.

- a) Je, Mhe. Waziri hili unalifahamu.
- b) Je, Serikali ina mpango gani wa kuongeza usafiri baina ya Unguja na Pemba.

54. MHESHIMIWA ABDALLA MAULID DIWANI (Jimbo la Jang’ombe) - Atamuuliza Mheshimiwa Waziri wa Ujenzi, Mawasiliano na Usafirishaji:

Pamoja na Shirika la Meli na Uwakala kuboreshwa upya na kuongeza tija kwa Serikali, bado kuna changamoto za kuendesha meli chakavu, ambazo ni mzungu mkubwa kwa Shirika hilo na kupelekea hasara ya mara kwa mara kwa kukarabati meli hizi zilizokwisha kupitwa na muda wa kutumika.

- a) Je, Serikali inampango gani kuuza meli hizo za MV. Maendeleo na MT. Ukombozi.
- b) Je, Serikali imejipanga vipi kuimarisha huduma bora za usafiri wa meli katika kukuza huduma za jamii, kiuchumi na kibiashara.

Wizara ya Afya:

26. MHESHIMIWA JAKU HASHIM AYOUB (Jimbo la Paje)-
Atamuuliza Mheshimiwa Waziri wa Afya.

Katika Hospitali ya Mnazi Mmoja kumekuwa na ukosefu mkubwa wa vifaa muhimu vya matibabu kama vile gloves, kenduler ya drip na gozi za kuzuia damu ambapo hali hii inawapa wakati mgumu wagonjwa wasiokuwa na uwezo kununua vifaa hivyo katika maduka binafsi.

- a) Ili kutimiza azma ya Mhe. Rais ya kuwaondolea wananchi gharama kubwa za matibabu, Je, Wizara imechukua hatua gani ya haraka ya kuondoa tatizo hilo kwa wananchi.
- b) Je, kwanini katika Hospitali ya Mnazi Mmoja upatikanaji wa dawa na vifaa umekuwa sio wa uhakika na kwa baadhi ya vituo dawa kupatikana kwa msimu.
- c) Kwa kuwa Hospitali hii inataka kuingia katika mpango wa kuwa hospitali ya Rufaa, lini matatizo ya vifaa na dawa kupatikana nusu nusu yataondoka na kubaki historia.

72. MHESHIMIWA ALI KHAMIS BAKAR (Jimbo la Tumbe)-
Atamuuliza Mheshimiwa Waziri wa Afya.

Mhe. Rais wa Zanzibar na Mwenyekiti wa Baraza la Mapinduzi anastahiki pongezi kwa kujenga Hospitali nyingi nzuri Unguja na Pemba na kutoa huduma nzuri. Lakini hata hivyo kumekuwa na kasoro mbali mbali ikiwemo kutokuwepo kwa vigari vya kutosha vya kubebea wagonjwa, vyengine vikiwa vibovu na vichakavu lakini pia kupasuka kwa bomba la maji machafu katika hospitali ya Mnazi Mmoja ambalo linahatarisha afya za watu.

- a) Je, lini vigari hivyo vitapatikana na kutoa huduma.
- b) Ni lini bomba hilo litazibwa.

III. HOJA ZA KAMATI:

Mwenyekiti wa Kamati ya Kuchunguza na Kudhibiti Hesabu za Serikali (PAC):

Ripoti ya Kamati ya Kuchunguza na Kudhibiti Hesabu za Serikali (PAC) ya mwaka 2016/2017.

Zanzibar,
28 Februari, 2017.

(Raya Issa Msellem)
KATIBU WA BARAZA.